

luntatem suam ut Divine in omnibus conformaret, verba illa descripta semper secum circumferebat: *Juveni Virum secundum cor meum, qui faciat omnes voluntates meas.* Obiit in mari tempore quod predixit; nec aliter ac Sanctus, judicio Religiosorum, qui aderant.

5. Bononiae in Italia anno 1671. P. Joannes Baptista Ricciolus, Italis: vir omnium scientiarum generis excellenter excultus. Theologiam Scholasticam decennio docuit partim Bononiae; partim Parmae. Cum autem in Mathematicis potissimum excelleret: ad eas disciplinas excolendas, & reformandas animum adjectit, ediditque non speculatione tantum, sed praxi laboriosa, & multis experimentis insignes, & plurimum estimatos a peritis Tomos aliquot: ut Astronomiae reformatæ Tomos 2. Almagestum novum, Astronomiam veterem novamque complectens Tomis 2. Chronologiam reformatam Tomos 3. Geographia, & Hydrographia Libros 12. Vindicias Kalendarii Gregoriani, & plura alia. *Sotuell. in Bibl. Soc.*

XXVI. JUNIL.

1. **A**nno 1614. fraude, & operâ haereticorum, prodiit Curia Parisiensis tententia Rege inscio, in librum à P. Francisco Suarez editum, contra Jacobii Regis Angliae errores haereticos, & iniqua decreta. Titulus Libri est: *Defensio fidei Catholicae, & Apostolicae, adversus errores Sectæ Anglicanae, &c.* In hunc ita exarsit Jacobus Rex: ut Londini publicè per carnificem jussicerit flammis absundi: incitatique Regem Hispaniae ad similem in eum librum adversionem. At ille traditum examini Doctorum, ac prolixè laudatum, merito elogio ornavit, monuitque per literas Anglum: ut ipse potius saniora caperet consilia, & ad avitam rediret Religionem. Quod Sectarii non impetrarunt in Hispania, conatis sunt evincere in Gallia; tantumque profecerunt: ut liber Suarii infami manu Parisiis sit crematus. Indignissima res visa Pontifici, Paulo V. nec moratus est conqueri per literas coram Rege Ludovico XIII. & ejus Parente Medicæ, de insolenti facto, & illato pro-

bro Doctori celeberrimo , integerrimò que. Rex adolescens , & Regina mater, sanctè testati sunt Pontifici ; se insciis , & Lutetiâ tunc absentibus , rem gestam esse. Confessim igitur Curiæ decretum abrogarunt , plenàmque omnibus fecerunt protestatē , prædictum librum refineſdi , legendi , & imprimendi. Illud non injunctum : quòd cùm fama Libri in Anglia combusti , p̄venisset Coniabrigani in Lusitania ad aures Suarii : is oculis in cœlum sublatis : Utinam ajebat , concessa meo volumini fors , mibi etiam Dei beneficio contingat ! Quod votum illico P. Sebastianus Baradius , qui præsens aderat , opportuno carmine ex Nasone petito , ingeniosè exprefſit : sinè me liber ibis in ignem : Hei mibi , quòd Domino non licet ire tuo ! Locò vocis Urbem , posuit opportunè Ignem . Manſeſus in vita
P. Suar. cap. 16.

2. Romæ anno 1568. Basilica Domiū Professæ extrui cœpta ab Alexandro Farnesio Card. pari pietate , & magnificen- tiā. Primum lapidem posuit ipfemēt Cardinalis cum Cardinale Augustano Truchefesio. Sacchin p. 3. lib. 4. n. 141.

Eodem

Eodem die obierunt.

3. Herbipoli in Germania , anno 1625. P. Joannes Georgius Voglerius , Germanus , orandi , & perorandi ad populum dote prætans. S. Augustinus , & Chrysostomus præ cæteris ei familiares erant : ille pro alenda pietate privata , iste pro populo instruendo. Quanto Catholicis amori , tanto erat odio hæreticis ; qui , postquam P. Joannes Hagenoā aliō migravit , non erubuerunt in vulgus spargere : P. Voglerium ab infernali genio arreptum domi in catenis detentum , denique evanuisse. Sed puduit illos naendacii , cùm Voglerius mente , & corpore sanus , imò validior , paulò pòst comparuit in cladem illorum.

4. Firandi in Japonia , anno 1587. Joannes Fernandez , Coadjutor Hispanus , S. Francisci Xaverii in Japonia Socius. Magni ab ipso habitus , & rebus pro fide gerendis apprimè idoneus ac promptus fuit , plurimis ad Ecclesiam adductis gentibus. Amangucci vir gravis concionanti aderat : ut quæ docebatur , exploderet. Verùm cùm iſthic procacior quispiam in os Joannis phlegma spurci oris fœde con- jecisset.

³³² jecisset , ac Joannes modesto silentio rem dissimulans , faciem strophiolō abstersiſſet , ac dicere ad populum perrexisset : tan ta animi excelsitate adeò petinotus est vir ille gravis : ut ad Joannis pedes abjectus , primus baptismum perierit . Sacerdotes in tanta reverentia habebat : ut coram ipsis non nisi iussus loqueretur .

5. Cracoviæ P. Jacobus Vviecius , Van grovicius dictus à natali majoris Poloniae loco . Adolescens è libris hereticorum hauserat heresim . Dei beneficio factum est , ut in ejus manus veniret Cardinalis Holii liber : *Confessio inscriptus* . Hoc antidoto venenum expulit . Romæ adscitus in Societatem redit in Poloniā peractis stu diis literarum , & tradendā Theologia , scri bendis libris , habendis concionibus , sociis regendis , utilem Patriæ operam nauavit . Posnaniensis Collegii quasi parens , Rec torque primus fuit . Stephani Regis roga tur profectus in Transilvaniam , primus Collegio Claudiopolitano p̄fuit . Primus nostrorum lingua vernacula librum edidit , quo Confessionem Sendomiriensem à Calvinistis vulgatam refellebat . In eundem Polonicum sermonem conver teret

³³³ tere sacra Biblia Gregorio XIII. imperante aggressius , Cracoviam , ut opus perpoliret , secessit , cui , & immortuus est . Psalmos Davidicos ad poenitentiam pertinentes meditabatur , dum valetudo , & vita suppetebat , vim lacrymarum profundens : eosdem ager confecto iam prope vitæ spatio , prælegi sibi voluit , D. Augustini exemplo . Postremam noctem orans , obtutu in Christi morientis effigiem continentem defixo , transagit . *Juvencius fil.*

799.

XXVII. JUNII.

1. **A** Nno 1537. Venetiis S. Ignatio , & Sociis , datum est testimonium Ordinum collatorum ad titulum Scientia , ac voluntariae Paupertatis . *Nadasi in Ind Mem.*

2. Ex Sicilia cum classe militari solvit in Africanam contra Turcas , anno 1551. P. Hieronymus Natalis cum P. Isidoro Bellino . Sed gravissima tempestate coorta , è quindecim triremis ^{octo} perierunt cum ingenti hominum multitudine , & P. Bellino , qui ad ultimum spiritum non desit naufragis inclamare salutaria , magis

gis de illis , quām de se sollicitus . Natalis diū inter undas luctatus , tandem evasit fune quopiam arrepto , & cūm superstitionibus tenuit Aphrodisium Africæ urbem , ubi , & sanis in Ecclesia , & ægris in nosocomio , omnia factus est . *Orland. part. I. hist. Soc. lib. II. num. 21.*

3. In Lusitania anno 1617. multò major concitata est tempestas inter Ecclesiasticos , & regios ministros . Nuncius Apostolicus hoc die generale promulgavit Interdictum adversus urbem Ulyssiponem , propter violatam Immunitatem Ecclesiasticam , & quosdam fori administros declaravit anathemate irretitos . Non defuerunt Theologi , qui censuras irritas , & illegitimas pronunciārunt . Sed Ven. nosster Franciscus Suarez , quanvis ætate , & laboribus fractus , cum saniore spirituālium parte , tam fortiter stetit pro immunitate Ecclesiastica , & robore interdicti , ut mortem inde contraxerit gloriosam . Non solum enim circumcursando ardente sole , & ministros regios informando , ac sollicitando : sed etiam , tūm epistolis ad aulam Hispanam (erat enim tunc Lusitania in potestate Regis Hispaniae Philippi III.)

III:) & ipsum Regem datis ; tūm insigni volumine conscripto pro Ecclesiastica Immunitate , promovit causam Pontificiam . Pro quo obsequio honorificentissimis literis amplas ei gratias egit Pontifex Paulus V. *Maffejus in Vita Suar. cap. 22.*

Eodem die obierunt.

4. In America anno 1610. P. Raphaël Ferrer , Hispanus , in odium fidei occisus . Semper magis arduarum Missionum avidus , intra breve tempus magnam barbarorum copiam è sylvis eduxit , ad civilem vitam mansuefecit , & quadringentos baptismo lustravit . In Popayana , cūm scenicam actionem , quam dari solebat , impedire aliter non posset : antequām illa inchoaretur , in theatrum profiliit , & ita dixit : ut omnes ad lacrymas permoverit , & insulsam comediam disturbārit . Barbarorum nonnulli indignati , patrios deos ab ipso convelli , præcipitem dederunt in flumen , & ad beatæ aeternitatis portum impulerunt .

5. Valentia in Hispania anno 1558. Didacus Sarabias , Coadjutor . Ante initam Societatem , cūm eslet textor , modo

FASTI SOCIET. J.

336 dico ipse contentus, reliqua omnia dabant pauperibus. In Societate, acceptâ in publico alapâ à perulante quodam, ad pedes ejus se projectit, veniam petens; ac si non accepisset, sed dedisset injuriam. Mauris prædonibus obvius factus, Rosarium suum intrepidus opposuit: & illi pacifice transierunt, vel non viso Didaco, vel potius à Deipara prohibiti, nè nocerent. Moriens exultabat, quod in Socierate moreretur, & vitam devovisset obsequio pestiferorum.

XXVIII. JUNII.

1. **A** Nnō 1512. S. Ignatius, ex vulnere Pamipelonensi æger, supremis ad mortem mysteriis instruclus, noctem proximam fatalem sibi expectabat. Sed ab Apostolorum Principe, S. Petro, gratiore visitatus, aspectu recreatus, & personatus est, in ipso festi Apostolorum pervigilio. Intererat enim Petri, vivere Ignatium: ut Sedes sua Apostolica validum haberet propugnatorem. *Bartoli in Vita lib. 1. n. 4.*

2. Romæ anno 1591. Gregorius XIV. per Constitutionem, *Ecclesia Catholice*, confirmavit Societatem Institutum, & rationem

MENS JUNII.

337 nem gubernandi: & ne quid contra hæc à quopiam tentetur, graviter interdixit. *Bullar. Societ.*

3. In Belgio; anno 1591. Octavius Calatinus Nuncius Apostolicus per Edictum ad Academiam Duacensem potissimum, datum, concessit Nostris facultatem, doctrinam P. Leonardi Lefsi de Auxiliis gratiæ, & Predestinatione, libere tradendi. Quod edictum in literis ad Arribatensem Episcopum datis 26. Sept. dicit Pontificis Gregorii XIV. autoritatem sententiæque confirmatum esse. Et sic in Belgio conqueverunt tune turbæ inter nos-tros, & Academias Lovaniensem, ac Duacenam ferventes. *Eleuth. in hist. de Auxil. lib. 1. cap. 19. & 20.*

4. Colonia Agrip. exente Junio, anno 1545. conquevit tempestas, quam in tenellum adhuc gregem Sociorum concitârat Hermannius Archiepiscopus. Is posita tandem larvâ Catholici, hæresim professus: ut Jesuitæ urbe pellerentur, tanquam sine licentia Senatus in eam ingredi. Eò denique res fuit deducta: ut Senatus decreverit, ne Nostrî viverent in iisdem ædibus more Regularium, sed spat-

Pars 2.

Y

sum

sum per urbem , & in velle communiti Clericali, si velent commorari Coloniae. Crudum decretum ! maluerunt tamen Socii morem illi gerere, quām deserere populum multo labore , præsertim PP. Fabri, & Carnifii , ab hæresi servatum immunem. Et probavit S. Pater constantiam; permisitque paulo post Senatus : ut in pristinis ædibus conjuncti viverent. *Orland. hist. Soc. lib. 5. n. 35.* Tam chara fuit Patribus nostris Colonia : ob quam ab hæresi, servandam immunem, etiaminum, dum haec scribo , multa , & gravia patimur, in diversis Provinciis.

Eodem die obierunt.

5. In Africa, anno 1575. P. Franciscus Goveanus , Lusitanus. Angolitano in regno multa egit , & passus est ; ipsis 14. annis in custodia detentus. Cūm æger decubaret Pater , Angolæ Rex , cantores suos jussit assiduè dies noctesque circumire domum : ut voce , & organis pulsatis mortem , nè accederet, absterrent , vel placarent. Sed invenit illa arditum , & virum emeritum in libertatem filiorum Dei asseruit.

6. Visbi-

6. Visbici in Anglia , anno 1592. P. Thomas Methamus Anglus. Londinem turrim , seu carcerem , annos 4. incoluit. Inde in alios , aliosque carceres deportatus , demum inter paludes , in Visbicensi ergastulo per annos plures contabuit. Ita vitam per annos 17. causâ fidei , in carceribus ærum nissimis ductam , longa morte conclusit non invitus, quamvis cruentam maluisset.

7. Stockholmii in Suecia , anno 1601. Mathias Vitriarius , & Nicolaius Mercator Coadjutores Lituani , Socii Patris Christophori Spoteci (de quo 14. Junii) multa ab hæreticis , odio fidei , perpessi, in carcere decesserunt.

8. Neapoli cūm anno 1656. sævissima pestis urbem populosisimam depascetur , inter 60. Socios, in obsequio pestiferorum extintos, hoc die sublatus est in eodem obsequio P. Lucius Pignatellus Neapolitanus , vir sui despiciētiā , & suscepta spartā illâ tanto major, quantò illustrior erat genere, fratre germano Innocentii Papæ XII. natus. Zelo Apostolico jam in Indianam abreptus erat , & in Lusitaniam devenerat : sed revocatus in Ita-

Y 2

liam,

liam, primum Romanum Collegium, deinde Provinciam Neapolitanam gubernavit; inventaque in Europa pretiosae mortis gloriam, quam in India querere institerat.

XXIX. JUNII.

I. **P**Matthæus Riccius in China tunc piter ejectus Nanchino, urbe regia, Namquinum se recepit, eoque pervenit feliciter ipso Apostolorum Principibus festo die. Antequam eò perveniret, in itinere multo mœrore pressus obdormivit; viditque per somnum, hominem ignotum, ita se alloquenter: Itane tu hoc regno vagaris eo animo, ut antiqua religione proscripta, novam inducas? P. Matthæus respondit: Aut Deum, aut dæmonem te esse oportet, qui hac noveris, cum nemini mortalium indicaverim. Minime sunt dæmon, sed Deus, reposuit alter. Tum P. Matthæus ad pedes ejus lacrymabundus proruit, & in hæc verba prorupit: Si hoc, Domine mihi, votum meum nō satis, cur adjutricem tantis rebus non admoves manum? Cui Dominus:

Ego

Ego in utraque urbe (Nanchinensi, & Pechinensi) vobis propius ero. Expergefactus Pater Socio visum narravit, & non vanum fuisse somnum eventus docuit. Trigault, de Christiana Exped. in China lib. 3. cap. 10.

2. In Hispania Matriti anno 634. ex Decreto Sacrorum, & Generalium Fidei Quæsitorum, solemnissimè combusi sunt in publico foro libri non pauci satyrici, quos in Societatem effuderant Magister Franciscus Roales, & non pauci anonymi. Gomez in Elog. Societ. part. 1. classe 5.

3. Anno 1558. responsorias dedit hoc die P. Franciscus Borgia, Commissarius tunc Hispaniæ, P. Antonio Madridio Doctori, & Concionatori celeberrimo, pententi: ut quando concionatus esset, atque in coena semel in hebdomada, liceret sibi corpus castigare per spatium Psalmi Misericordie. Superiores enim ad coercendum nimium ejus rigorem in hoc genere, tantum ei concederant propter infirmam valetudinem: ut ictus octo sibi infligeret. Rescripsit ergo illi Borgia, concedendo; illis octo concessis ictibus adderet alios septem, ante concionem. De flagellatione in triclinio, sic respondit: in coenatio-

Y 3

ne

ne cum flagello qualibet hebdomadā prodiret licebit quidem; verūm ita, ut soles, induitus ingredere, & super vestem flagellum expedes. Salsa nūmis videbitur mūndi Sapientibus hæc licentia: Sed Borgia, & Doctor Madridius stylum scholæ Christi melius noverant. *Sacchin. part. 2. lib. 7. num. 76.*

Eodem die obierunt.

4. Cusqui in Peruvia anno 1606. P. Ildefonsus à Pozo. Cum ad iram naturæ imperii esset prærior, ita illam virtutem perdonuit: ut in Societate nemo illum viderit iratum. Modestia oculorum erat tanta, præsertim quoad foeminarum aspectum: ut foeminae Indæ ipsi confessæ, dicerent: se exco illi Patri confessas.

5. Goæ in India Orientali anno 1656. P. Alphonsus Mendez, Lusitanus, Æthiopicæ Patriarcha. Eminentio Occeano appulsum in Æthiopiam, Sultan Seguedus Imperator amplexu strinxit, ac dixit: *Nunc dimittis scrupulum tuum Domine.* Mox Alexandrina supersticio cum Romana fide, & religione passim permutata, Patribus unde viginti e Societate, in 13. domicilia distributis;

butis; quorum operā, ac in primis Alphonsi Patriarchæ, per annum 1628. facile centum millia ex illa gente ad Ecclesiam Christi sunt reducta. Sed cūm Facilladas Imperatoris filius, imperium adiisset, felicità rerum initia intervertit, Alphonso Patriarcha è regnis suis proscripto cuni Sociis. Sed hic perficia non stetit: interceptus in itinere Patriarcha, in carcere conjectus est, & ferro onustus, per annum detenus. Educebatur tamen subinde cum duobus Patribus Sociis, ad eleemosynam corrogandam, omnibus tribus unâ catenâ innodatis. Tandem Christianorum liberalitate in libertatem assertus, Goam reversus est; cura in tamen Æthiopiæ depositus nunquam in omnem redeundi occasionem intentus, ejusque populi salutem procurando tum epistolis, & libris Catechetis scriptis, tum ministris idoneis transmissis: donec ad annum ætatis 77. proiectus, plenus meritis, sed pauper Patriarcha decessit.

6. Eodem die, anno 1580. juxta certiorem Sotuelli relationem in Biblioth. Soc. (Nadasí ponit annum 1577. 14. Sept.) alter, & antiquior Æthiopicæ Patriarcha

Andreas Oviedus, ad Eccleiam Triumphantem transiit. Gravibus exagitatus est persecutionibus, & à Claudio, & ab ejus Successore Seguedo; jānque in eum aliquando furens irruit Claudius stricto ierro, confecissetque: nisi Regina objecto corpore suo intervenislet. Patriarchatum habuit tam opulentum: ut scripturus Pio V. Pontifici, in defectu chartæ, margines Breviarii præciderit, & in libelluni consuerit. Illacrymatus est, accepto tali epistolio, Sanctus Pontifex.

XXX. JUNII.

S. Xaverius anno 1540. Româ in Indiam tendens, Ulyssiponem in Lusitania attigit. In via præter alia Apostolicarum virtutum specimina edidit illud, hominibus quidem mundanis ignobile, at qui altiore judicio res metiuntur, miraculo proximum. Cùm enim eam Legato Regis Lusitani montes Pyrenæos prætervehetur; & propè esset castrum Xayerium, in quo mater ejus, astate, & nobilitate generis conspicua, adhuc superbes erat; adduci non potuit, ipso suadente

dente Legato, ut tantillum à via deflecteret, & suprema humanitatis officia deferret matri, & familiaribus. Nimirum meminerat mandati, quo Christus discipulos mittens ad Evangelicos labores, præcepit: Neminem in via salutaveritis: maluitque inurbanus haberi, quam miñus religiosus Christi discipulus. Bartoli in Vita lib. 1. cap.

11.

2. Coram Clemente VIII. instituta est annô 1604. disceptatio 31. de Auxilis Gratiae. Argumentum fuit: An quando Intellectus proponit voluntati Deum amandum, & colendum, ut summè bonum, præmiantem virtutem præmio vita æternæ; & summè justum, punientem peccata damnatione æterna: an, inquam, hoc modo dicatur ea proponere tanquam rem ad fidem pertinentem, atque adeò ut objectum fidei? Respondit P. Bastida cum distinctione: Si intellectus solum per actum naturalem proponat voluntati Deum ut summè bonum, & justum, &c. tunc proponit illum solum ut rem materialiter pertinentem ad objectum fidei. Si autem illum proponat ut talem per actum supernaturale: tunc proponit illum ut rem forma:

formaliter pertinentem ad objectum fidei.
Hoc declaravit, & probavit. *Eleuther. hist.
de Auxil. lib. 5. cap. 40.*

3. Annō 1571. pridie Kalendas Julias Romā in Hispaniam profectus est S. Bor-
gia Præpositus Generalis, adjunctis à Pon-
tifice, Pio V. Legato suo Cardinali Ale-
xandrino: ut peritiā rerum tractandarum,
& authoritate, quam habebat, in Hispa-
nia, promoveret apud Regem negotiorum
fœderis in eundi contra Turcam. Non
ignorabat Borgia infirmitam corporis sui,
præsertim in proœcta aetate conditionem;
mirabantur plerique, hanc spartam ipsi
impositam: sed ille mirantibus repone-
bat: Deus optimus, qui Vicarii sui men-
ti indidit voluntatem, ut hoc onus impo-
neret: idem corpori meo vires addet, ut
perferam. Sic alacer viæ se dedit: qua
feliciter emensa, in reditu vocatus est ad
capessendum heroicæ Obedientiæ præ-
mium. *Sacchin. p. 3. lib. 6. n. 4. & 13.*

Eodem die obierunt.

4. In Oceano Occidentali, annō 1554.
P. Leonardus Nunnez, Lusitanus. Inter
primos è Societate missus in Brasiliam,

in ultimos ejus fines penetravit. Expedi-
tionem deinde imprimis arduam suscepit
in mediterranea Brasiliæ, ferociissimis
barbaris horrida, ut Europæum homi-
nem, fidei desertorem lucrificaret. Re
ex voro peracta, rediit ad stationem suam,
& indefessus excolendis tum Europeis,
tum barbaris instabat: donec primus Pro-
curator è Provincia illa Romani missus,
in Oceano portum invenit.

5. In Regno Chilensi Indiæ Occiden-
tal, Didacus Lopez de Salazar, Chi-
lensis. Audita concione de mundanæ pom-
pæ vanitate, spreta illustri, & opulenta
domo, Societati sine mora se addixit.
In ejus tyrocinio tanta contentione ad
eminentem perfectionem tetendit: ut in-
tra breve tempus eò pertigerit, quò pau-
ci grandævi, licet non segnes in studio
virtutum. Morti proximus, ad Crucifi-
xum Salvatorem conversus, bene nōsti,
ò Domine, ajebat, quām serio conni-
sus fuerim hocce biennio, ut Te quære-
rem. Nè me nunc desere, Domine, in
hac hora quæso te per hac vulnera, quæ
pro me suscepisti. Audiit benignissimus
in servos suos ferventes Iesus, ius sitque
Di,

Didacum de salute sua aeterna securum esse; expectare se eum comitem ad gaudia Paradisi. Ita feliciter abiit duce JESU.

6. In Anglia anno 1679. Londini, odio fidei suspensi sunt, & laniati Socii s. P. Thomas Harcottus Provincialis, P. Guilielmus Haringus Rector Londinensis, P. Antonius Furnerus, P. Joannes Fenwik, & P. Joannes Gaun. *Hazard*
in Append. 2. hist. Eccles.

Angl.

FINIS.

INDEX.

A.

- A Bdicatio honorum, *Pap. 107.*
- P. Abrahamus Georgius victimus fideli, Christum in sacra hostia aspectabilem habet, *119.*
- Abstinencia à Chocolata à B. V. collaudata, *141.*
- Academie Complutensis epistola ad Pontificem, *16.*
- Academia Vilnensis instituta, *230.*
- P. Achilles Paul. Superior suavis, & fortis, *144.*
- Actus supernaturales, vide Molina.
- Adversarius S. Ignatii punitus, *242.*
- Albertus Archidux Cardinalis Molinæ liberos tuetur, *44.*
- Alexander VII. erga Societatem benevolus, *25.*

S.